

光緒皇嘆五更

(吳一嘯撰曲)

(本曲譜共1頁)

(本曲譜原唱新馬師曾：光緒皇)

▲初更介▼▲南音▼初更明月，上簾櫳。晚景淒涼，入眼中。萬
 里蒙塵，心已痛。更為珍妃腸斷，淚飄紅。誰人拆散，鴛鴦
 夢。好比一現曇花，轉瞬空。枉煞金龍，思彩鳳。

▲轉乙反▼始終魂魄，未相逢。(拉腔過序)▲攝二更介▼二更
 明月，照花枝。枝枝憔悴，怨風姨。露滴芙蓉，花結子。
 點想風吹楊柳，斷情絲。井底埋香，留恨史。致令血花磨墨
 ，寫哀詞。▲攝三更介▼三更明月，滿宮闈。何曾得見，燕
 雙棲。對住遺容，偷雪涕。孤皇慘過，杜鵑啼。

▲轉正線▼憶起珍妃，人在世。同遊上苑，玉橋西。雙雙笑立，
 桃花底。卿你摘朵桃花，伴鬢圍。▲攝四更介▼四更明月，
 透欄杆。獨宿在行宮，夜夜寒。睇吓天上雙星，還：在望。

▲轉乙反▼我就一生難望，見紅妝。卿呀你嘅艷魄香魂，何處往
 。未知魂歸地獄，抑或上天堂。(拉腔過序)▲攝五更介▼
 五更明月，過西樓。

▲轉正線▼鳳燭燒殘，恨未休。若得陰司，同：聚首。死為情鬼
 ，更風流。今宵飲盡，啲杯梨花酒。難洗心頭，萬種憂。唉
 近日孤皇，覺得腰減瘦。心傷透，怎得芳魂入夢，為朕解千
 愁。(拉腔收)

(此曲完)

(本曲唱片 1953 大長城唱片公司發行)



(一九八〇年創辦)

雷氏粵曲教材系列 香港仙樂曲藝社出品
 雷桂開 葉慧芬 葉愛蓮編輯 盧挺豐校對